

= A OTHIERI =      

In brassos de un'eterno maestode  
s'agatat Othieri virtuosa  
in Logudoro da' s'antighidade.

De Sardigna s'istella luminosa  
chi dae cuss'altura 'e monte acutu  
bettas lughe isplendente a d'ogni cosa.

Othieri su prima contributu  
as regaladu a sas publicas garas  
de su grande Cubeddu dignu frutu.

Centu Othieri operas e naras  
est tottu nobilesa e poesia  
chi sincera fiorit in sas laras.

Chie che tue in s'isula mie?  
In s'industria armentisia foma tentu  
procurande richnessa e vigoria?

Gelosa de sas toncas, de s'armentu  
chi premiadu, abbondante possedis  
portadore de su grande alimentu.

Centu consumas tue e centu ispedis  
tentu a campione ca eccellente  
battiru e latte chi passa e medis,

manipuladu dae cussa zente  
onesta, gioventude cara e bella  
comente puru s'edade cadente,

vigile e costante sentinella  
pro su progressu de sa vida umana  
testamentu e s'antiga parentella.

REINA 'E SU REMEDIU SOBERANA,  
protege custa zente giusta e bona  
decorosa 'e cussensia cristiana.

Da' su chelu, o nobile Matrone,  
ampara d'ogni sessu e d'ogni edade  
a Othieri poetica e padrona

In brassos de un'eterno maestode.

( Bachisio Antonio Manelli )

Portovesme, li 26/8/957.

*Bachisio Antonio Manelli*